



**SIARAN AKHBAR
JABATAN PERIKANAN
KEMENTERIAN SUMBER-SUMBER UTAMA DAN PELANCONGAN**

**SITUASI TERKINI KEJADIAN AIR KEMERAH-MERAHAN
DI PERAIRAN NEGARA BRUNEI DARUSSALAM
14HB. FEBRUARI 2026**

Susulan daripada kenyataan media bertarikh 22hb. Sya'ban 1447H bersamaan dengan 10hb. Februari 2026M, Jabatan Perikanan, Kementerian Sumber-Sumber Utama dan Pelancongan, Negara Brunei Darussalam telah melaksanakan pemantauan lanjutan bagi keadaan air kemerah-merahan di perairan Negara Brunei Darussalam dengan kerjasama Angkatan Bersama Angkatan Bersenjata Diraja Brunei pada hari Jumaat, 13hb. Februari 2026.

Hasil daripada pemantauan dan analisa makmal, Jabatan Perikanan telah mendapati bahawa fenomena air kemerah-merahan kini telah merebak dari kawasan luar pantai (*offshore*) dan memasuki kawasan persisiran pantai (*coastline*) Brunei Muara, dari Pantai Muara hingga ke Pantai Jerudong (seperti di Lampiran 1)

Sepertimana nasihat sebelum ini, Jabatan Perikanan menegaskan agar orang ramai, terutamanya nelayan, adalah dilarang sama sekali daripada menangkap ikan atau mengutip kerang-kerangan di kawasan yang terjejas dan untuk tidak mengambil dan memakan ikan yang didapati mati di perairan Negara Brunei Darussalam memandangkan ianya boleh dicemari dengan bahan toksin yang merbahaya kepada kesihatan manusia. Penjual-penjual ikan juga dinasihatkan untuk tidak menjual ikan-ikan kecil seperti aur-aur, tamban, basong-basong, pusu, kuasi, bubuk, dan semua jenis kerang-kerangan yang terjejas oleh air kemerah-merahan (seperti di Lampiran 2)

Orang ramai diingatkan untuk membuang semua insang, perut dan organ-organ dalaman ikan sebelum dimasak, serta tidak memakan ikan-ikan kecil yang tidak dapat dibuang insang, perut dan organ-organ dalaman serta kerang-kerangan dari kawasan yang terjejas atau yang tidak diketahui tempat asalnya.

Di samping itu, orang ramai juga turut dinasihatkan untuk mengelakkan penggunaan air atau melakukan sebarang aktiviti air seperti mandi di kawasan pantai yang terjejas, termasuk Pantai Muara, Pantai Meragang, Pantai Tungku dan Pantai Jerudong.

Jabatan Perikanan, Kementerian Sumber-Sumber Utama dan Pelancongan akan terus memantau fenomena air kemerah-merahan ini dan memaklumkan sebarang perkembangan secara berterusan, bagi memastikan orang ramai sentiasa menerima maklumat yang tepat dan terkini.

Orang ramai boleh membantu dengan melaporkan sebarang kejadian perubahan warna air atau penemuan ikan mati dalam jumlah yang banyak di kawasan perairan dan pantai-pantai Negara Brunei Darussalam melalui talian 2770068 (waktu bekerja) atau melalui e-mel: enquiry@fisheries.gov.bn. Sebarang maklumat atau pertanyaan berkaitan juga boleh disalurkan secara terus kepada Jabatan Perikanan melalui laman web rasmi dan akaun media sosial Jabatan.


Dikeluarkan oleh:

**JABATAN PERIKANAN
KEMENTERIAN SUMBER-SUMBER UTAMA DAN PELANCONGAN**

26hb. Sya'ban 1447H
14hb. Februari 2026M

LAMPIRAN 1

Rajah 1: Kedudukan Lokasi Kawasan Terjejas Air Kemerahan-Merahan



**JENIS-JENIS IKAN YANG DITEGAH DARI PENJUALAN & DILARANG UNTUK DIMAKAN
SEMASA KEJADIAN AIR KEMERAH-MERAHAN**



AUR-AUR
(RAINBOW SARDINE)



AUR-AUR
(SARDINELLA ALBELLA)




AUR-AUR
(SPRAT ROUND HERRING)



TAMBAN BAGOL
(SPOTTED SARDINELLA)



TAMBAN
(FRINGESCALE SARDINELLA)



BASONG-BASONG BULAT
(ROUND SCAT)



BASONG-BASONG
(YELLOWTAIL ROUND SCAD)



BASONG-BASONG
(INDIAN SCAD)



PUSU
(INDIAN ANCHOVY)



PUSU
(SHORHEAD ANCHOVY)



KUASI
(INDIAN SCAD)



BUBUK



KERANG-KERANGAN

Berikutan berlakunya kejadian air kemerah-merahan di kawasan perairan Negara Brunei Darussalam pada ketika ini, para nelayan dan orang ramai adalah dilarang daripada menangkap ikan termasuk bubuk dan mengutip kerang-kerangan di kawasan yang terjejas. Penjual-penjual ikan juga adalah dilarang untuk menjual ikan-ikan kecil seperti aur-aur, tamban, basong-basong, pusu, kuasi, bubuk dan semua jenis kerang-kerangan.